

Yiengh Moq Mbanjranz

Gveigangj Si Cinzdangz Gih Mungzgungh Cin Gauhcan Siujyoz seiq (1) ban Vangz Yidungz / 黄玉彤

“Byaij youq gwnz roen iq lajmbanj, duzcwz banhaemh ma ranz dwg doengzdohi gou……” Ciengzciengz youq gwnz ci daxboh dingq daengz souj go neix, hix dingq daxmeh nam gvaq, fuk doz ndaw uk gou naemj haenx dwg banhaemh miz haujlai haujlai cwz baenz baiz baenz baiz byaij loh ma riengh ……

Dwg ha, neix cij dwg gij yiengh gou siengj okdaeu. Caiq baez byaij youq gwnz diuz roen dauqma ranzcoj, yawjraen baihnaj dwg diuz loh suijniz gvangqlangh, song mbiengj ndaem gofaex cingjingj caezcaez, song mbiengj lohdaeng daengjcw dwn youq, nditrongh cingq daj baihsae ciuq gvaqdaeu, ingj ndaej nazhaeux henz loh henjrwgrwg. Daxboh lwnh gou nyi, haujlai bi gaxgonq, moix ngoenz de bae langh vaiz cungj aeu byaij diuz roen neix, baez daengz fwndoeck, gwnz loh mbaepmbaep daeddaed, cijaeu miz ci hai gvaq, couh aeu ndoj deuz gyae’ gyae bae, mboujne couh deng raemxboengz sinz rim ndang uqnyagnyag. Mbwn laep le mbouj miz daeng hix mbouj gamj byaij diuz loh neix, heiq lau fadlaemx haeuj ndaw caz oen henz roen bae. Seizneix ndei lai lo, lohdaeng ronghsag rongh diuzloh baema. Byaij daengz bakmbanj, gou yawjraen gizdieg bouxlaux hozdung doenghyiengh guhcaemz gig caezcienz, gyoengq daxgoeng daxbuz cingq lienh ndangdaej, gwnz naj riunyumj vuenyungz, ndaw rij liz dieg bouxlaux guhcaemz mbouj gyae haenx, gyoengq baengzyoux iq gaeb bya, saj raemx, sing riu angqyangz baenz raq baenz raq cienz gvaqdaeu.

Lingh mbiengj dwg vwnzva cungsim ndaw mbanj, ndawde langhbaij gij vwnzva ndaw mbanj cienzswnj caeuq hwngfat haenx, linghvaih lijimiz fungh ranz yawjsaw ndeu hawj daihgva yawjsaw. Vwnzva cungsim miz aen lanzgiuzcangz ndeu, bingzciengz daihgva cungj gyaez bae gizde dwk lanzgiuz、bingh-

banghgiuz, gwnz dingj giuzcangz gang naengdiet dem, ngoenznaengz mboujlwnh rumz ci fwn doek, cungj mbouj nguh daihgva yindung. Bungz daengz gvaq ciet, banhaemh lij ndaej mienxfeiq hawj daihgva yawj vwnzyi vanjvei dem, hawj gyoengqvunz demgya haujlai yinxdaeuz. Daxboh raen gou yawj ndaej haeujmaez, couh lwnh gij goj mbanjranz hawj gou: Geij bi gonq, gizneix lij dwg diegnya hoengqhathat ndeu, mboujmiz giuzcangz mbouj miz daizheiq, gyoengqvunz ndaejhoengq cix dwg dwkbej、gangigoj, dingzlai vunzmbanj cungj dwg bae rog ra hong guh, louz youq ndaw mbanj dingzlai vunz cungj dwg bouxgeq, cawzle ok dou guhhong, couh mbouj miz gijmaz hozdung wnq lo, hix mbouj siengj lienh ndangdaej. Geij bi neix, mbanj vunz ma mbanjranz cauhnieb, boux fouq gonq daiq boux caengz fouq, haujlai vunzmbanj youq henz ranz couh ra ndaej faenh hong daeu guh, ndaej buenx lwgnyez youh ndaej ra cienz, ndaw mbanj hix nauhyied haujhai lo. Baengh gij cwngecwz ndei aen Dangj, mbanjranz gou bienq lumj mbwn fan deih boek, saedcej vunzmbanj yied gvaq yied ndei lo.

Yamq haeuj dou ranz, daxbuz sikhaek dawz maenzndengj caeuq fwedgaeq iengj rangfwdfwd gou gyaez gwn haenx okdaeu. Daxbuz riunyumnyum dwk naeuz: “Dingqnyi naeuz sou yaek dauqma ranz, daxgoeng caeuxlinlin couh ok haw cawx maenzndengj caeuq fwedgaeq dauqma lo, aeu gunghgi cagoh ngamq cawx ma haenx daeu guh gijgwn neix, sou daeu cimzcimz!” Gou caeuq daegnuengx caj mbouj gib dwk gwn hwnjdaeu, caen feih ha.

Neix couh dwg mbanjranz gou, mbanjranz gwj daeu gwj gyaunde i fouqmiz. Gou seizneix aeu ndeindei hagsib, caj gou majhung le, gou aeu yungh bonjsaeh hag ndaej haenx, hawj mbanjranz gou bienq ndaej engqgya ronghsak、engqgya ndei.



▲Bouxraiz youq bak roen haeuj mbanj ingjsiengq.

(doz dwg lauxsae son raiz hawj)

家乡新面貌

“走在乡间的小路上，暮归的老牛是我同伴……”常常在爸爸车上听到这首歌，也听妈妈哼过，我想象中的场景是黄昏很多很多的黄牛一排排走路回栏……

是的，这只是我想象中的画面。再次走在老家的路上，眼前看到的是一条宽广的水泥路，两边整齐地种着风景树，两排路灯齐刷刷地立着，抬头一望，阳光正好从西边射下光芒，映着路边稻谷黄澄澄的。爸爸告诉我，很多年前，这条就是他每天放牛的必经之路，一到下雨天，坑洼的路面就积水，只要有车辆经过，就要躲得远远的，不然就会被泥水溅一身，天黑之后没有电筒是不敢走这条路的，生怕摔进路边带刺的草丛里。现在好了，明亮的路灯照着回家的路。走到村口的时候，我看到设施齐全的老人活动中心，一些大爷大妈正在锻炼身体，脸上挂着幸福的笑容，小朋友们正在不远处的小溪里捉鱼、玩水，欢快的笑声一阵阵地传来。

另一边就是村里的文化中心，里面展示了村文化的传承与发展，另外还有一个阅览室供大家阅读。文化中心还有一个篮球场，平时大伙都喜欢去那里打篮球、乒乓球，球场顶上盖着铁皮，不

论刮风下雨，都影响不到喜欢运动的人，逢年过节的晚上，还能在这里免费给村民欣赏一场文艺演出，给大家增添了许多乐趣。爸爸见我看得入神，便给我讲起了家乡的故事：几年前，这里还只是一片空旷的草地，没有球场没有舞台，人们的娱乐只是打牌、闲聊，大多村民都外出打工，留在村里的大都是老人，除了出门劳作，就没有别的活动了，也不会想着要锻炼身体。这几年，人们纷纷回乡创业，先富的带动后富的，好多村民在家门口就能有一份工作，既能陪伴孩子又能赚钱，村里也热闹了许多。依靠党的好政策，我的家乡发生了翻天覆地的变化，村民的日子过得越来越好了。

走进家门，奶奶马上端来我爱吃的烤鸡翅和薯条。奶奶笑着说：“听说你们回来，爷爷一大早就上街买了新鲜的鸡翅和薯条，用新买的空气炸锅做出来，你们尝尝！”我和弟弟迫不及待地吃起来，真是美味极了。

这就是我的家乡，越来越美丽越来越富有的家乡。现在的我，要好好学习，等我长大后，我要用学到的本领，使我的家乡变得更加辉煌、灿烂。

(lauxsae son raiz:Veiz Lanzmei / 指导老师: 韦兰妹)

Baez Youzhag Nanzlumz Ndeu

Gveigangj Si Cinzdangz Gih Mungzgungh Cin Gauhcan Siujyoz it (2) ban Veiz Yihhangz / 韦依杭

Ngoenzneix, dou yaek bae youzhag la! Gou angqbwnghwngh hwnj banci bae. Aen banci youq gwnz loh hai menhnyednyed, gou caen maqmuengh banci ndaej bienqbaenz gvaq feihgih ndeu sikhaek mbin daengz dieg youzhag bae.

Dou camh daih’ it daeu daengz Gveigangj Bozvuzgvanj. Youq ndaw bozvuzgvanj, dou yawjraen doengzleij、mohgeq ciuhgonq, lij raen gij buhvaq boux ciuhgeq daenj haenx dem.

Camh daihngleih daeu daengz gizdieg Dunghcin Singjsae. Youq gizneix, dou yawjraen haujlai saeciej cungiloih mbouj doxdoengz, miz duzsae Liuz Bei、duzsae Gvanh Yij、duzsae Cangh Feih, gou fatyienh gij yienghsiengq gyoengqde cungj mbouj ityiengh. Dahcej ganggij lwnh dou, duz saeciej dwg baenzlawz bienqvaq gvaqdaeu, doeklaeng dou lij yawj longh saeciej dem.

Ciepdwk dou daeu daengz “Suenangq Lwgnyez”, gyoengq doengzhag cungj angq raixcaix! Dou sien bonghhuu cung bae bungqcong diuq, diuq ha diuq, caen ndei guhcaemz dahraix! Dou youh daeu daengz hajsack vadlae, dou daj gwnzdingj vadlae nod roengzdae lumj mbin nei! Dangqnaj vadlae couh dwg suen duzyiengz lo, dou

aeu lauxbaeg hoengz bae gueng duz yiengziq, duz yiengziq lij biq myaiz hawj boux doengzhag ndeu dem, geijlai ndeiri ha! Ceiq gvaqyinx couh dwg youq suen “duz mou iq vaiq buet” gyaep mou iq. Ngamq hainduj, dou youq gwnz diegnywj gyaep duz mou iq buet, doeklaeng cix bienqbaenz duz mou gyaep dou bongh lo. Youq ndaw suen angqyangz neix dauqawq dwg sing riu dou!

Camh ceiq doeklaeng dou daeu daengz Vangz Danenz Canjgvanj. Youq gizneix, dou roxnaj digiuz vuzlij yozgyah Vangz Danenz. Dou rox aen dauhleix majhung le aeu lumj de nei gyaez guekcoj, bauqdap guekcoj.

Youzhag sat le, dou naengh banci baema lo. Ngoenzneix youzhag geijlai mizyinx, geijlai miz eiqngeih ha!

难忘的研学之旅

今天，我们要去研学啦！我怀着激动的心情上了车。汽车在路上慢悠悠地前进，我真希望汽车能变成一架飞机立刻飞到研学地。

我们第一站来到贵港博物馆。在博物馆里，我们见到了古代的铜币、古墓，还有古代人穿的服饰。

第二站我们来到了东津醒狮基地。在这里，我们见到不同种

类的狮子，有刘备狮、关羽狮、张飞狮，我发现他们的样子都不一样。讲解员大姐姐告诉我们瑞狮的演变过程，我们最后还观看了精彩的舞狮表演。

参观结束，我们来到了“冲仔乐园”，同学们可高兴啦！我们先冲向蹦床，蹦呀跳呀，真是太好玩啦！然后又来到五彩滑梯，我们兴奋地从滑梯上“飞”下来！五彩滑梯的对面围养着羊驼，我们拿红萝卜喂小羊驼，小羊驼还向一个同学吐了口水，真是太好笑了！最好玩的就是“小猪快跑”了。我们在乐园的草坪上追着小猪跑，后来却变成小猪追着我们跑。游乐场里充满我们的欢笑声！

最后一站我们来到了黄大年展馆。在这里，我们认识了地球物理学家黄大年。我们知道，长大后要像他一样热爱祖国，报效祖国。

参观结束，我们坐上了回家的车。今天的研学太有意义了！

(lauxsae son raiz:Veiz Caijfangh / 指导老师: 韦彩芳)



▲Bouxraiz caeuq doengzhag dingq dahcej lwnh gojgaeq longh saeciej.

(doz dwg lauxsae son raiz hawj)